

Abacingililwa Fye, Ilyo Ici Cishibilo Calangishiwa

*Ukufuma 12:13, “No Mulopa uyo ukabe kuli imwe icishibilo pa mayanda ayo mulimo: **ilyo nkamona umulopa uyo**, nkacilila imwe, kabili ilyo nkome icalo ca Egupti, takwakabe kuli imwe impumo yakonaula.”*

Moneni ukupekanya kwa bantu Bakwe abampanga ya bulayo. Moneni ifyo Ena acitile. **Intanshi, Ena alikwete abantu abo Ena apele impanga kuli bena. Ena ali bapekanishe impanga bena.** Kabili nomba Ena atumine kulya ukupekanya pali yena, ku bantu aba ku mpanga ya bulayo. Yena yali fye kuli abo abalingilwe libela kuli ilye mpanga ya bulayo, **ubushiku bwa kwa Nabwinga.**

Kabili umusango acitilemo cena, **Ena atumine kasesema ne mbila, ashininkishe yena ne Ntumba ya Mulilo, kabili apele icishibilo pakutula benga shininkisha ukutula cali icalungama. Cilya cishinka. Cali ici sansamushi cakwe.**

Israele, ukwisa ukufuma ku Egupti lilya, ali icipasho. Ici ni cilya icapashaniwe, **palwa lukuta ukufumina mu filonganino.** Nomba, te bonse ababunganya. **Ndepilibula Nabwinga.** Abantu bamo, kwabako bamo ababi beka ababipa fye nge filonganino, inshita shimo ababipisha ukucila.

Ndelanda pa Cishibilo icabikwa. **Icishibilo cilasuminshanya ne Cebo conse.** Mwamona? Cena cilingile ukuba, pantu cena Cebo. **Cena Mweo**

uo uwali mu Cebo. “Ifyebo Fyandi fya Bumupashi; Fyena Mweo,” Yesu atile (*Yohane 6:63*),

Kabili icintu cacitatu Ena atumine cali icishibilo. Cilya cishinka nganshi. Icishibilo, cinshi ifyo Icishibilo cipilibula? Icishininkisho!

Intanshi, **kasesema Wakwe ne mbila; Ena ailangishe Umwine ne Ntumba ya Mulilo na kasesema Wakwe; lyena Ena atumine Icishibilo, ukwisa pesamba ya uyu mulopa, ukutila Ena asumine iyi imfwa yakupyanisha mu cifulo cenu.** Lyena, **umulopa wali cishibilo** ukutila Ena alolekeshe, ukutila na muumfwa imbila, ukucetekela pa Ntumba ya Mulilo, kabili na musumina icakupyanisha ico Ena apele kuli imwe, kabili mwali pesamba lya mulopa wa capangilweko ca bumi ubo bwafumine pa mulandu wa imwe. Mwe! Ifyo cilya cili icintu icapwililika, **imwe muli pesamba lya mulopa.**

Nomba imwe muli pesamba lya Mupashi, **pesamba lya Mupashi wa Mushilo. Imwe mwalicetekela** imbila ya buno bushiku, imwe mwalicetekela amaka, Ntumba ya Mulilo. Imwe mwalicetekela cilya kabili mulacita. [1]

Umwana wa mpaanga wa mulopa e Cishibilo cesu ilelo. Mu ba Hebere 13:20-21, cena ciletwa **“Icipangano ca Muyayaya,”** Nga mulefwaya ukubelanga yena (*Esekiele 37:26-27*). **Amabulayo yakwa Lesa ayakakwa no Mulopa yatulengele ifwe abantungwa ku lubembu no mubili.** Cena cipangano ca muyayaya,² uku shinshimuna Wene no kulangisha ifishibilo fyakwe ifyalaiwa. Icipangano Cipya e Cipingo Cakwe icipya mu

Mulopa Wakwe (1 Abena Korinti 11:25). Baibele efyo yasosa. Icipingo cipya cipilibula “Icipangano cipya,” **Umweo wa Mulopa, Umweo uupya wa Cishibilo muli ifwe.** Uko umulopa wa kale waiminineko ku cishibilo caanguka ku capangilweko ukutula umwana wa mpaanga alifwile, Mupashi wa Mushilo e Mweo uyo uwali muli **bu Muntu bwakwa Yesu Kristu uyo walangishiwa muli imwe na ine, ilelo. Kunse ka cilya, takuli ukusenamina.** “Kano fye ilyo namona umulopa, nkamucilila.” (Ukufuma 12:13).

Ndeesha ukubika mu mano yobe, we cibusa, ukutula ora naifika, ukutula icintu cimo cilingile ukucitwa kuli cena. **Ifwe tulingile ukucita icintu cimo. Cili nalimo mukati nangula kunse.** Epela fye. **Ora naifika ilyo Icishibilo cilingile ukuba palya. Nga ulu lukuta lule enekala ukuba ulwa mweo mpaka Yesu Kristu akesa, Icishibilo cilingile ukuba pano.** Epela fye. Nge mfwa tailasa, cikafumyapo icishilwa ca mfwa. Kabili ili line, cena cili mu ng’anda ya mafunde ino ine nshita, munshini uukalamba ukabikwa ukulenga inkuta shonse ukwisa muli kulyo kwampana kwa ma chalichi.

Kabili imwe mucine mulingile ukukwata Icishibilo cilebalika. Lelo ora ili pano iya kufuma. Kabili iyi nshita **ifwe tuleya ku mpanga ya bulayo, ubulayo bwa Mweo wa Muyayaya (Yohane 10:27-28).** Mupashi wa Mushilo alangisha ukutula Yesu alikumanisha conse icalefwaikwa kuli ifwe, ukutula tuli, mu cifyalilwa cesu, abana bakwa Lesa abawa. Kabili tatwakwata amaka₃ muli ifwe. Tatwakwata Umweo muli ifwe. Ifwe tuli umutundu wa bantu abawa, ukutula kuli Adamu. **Lelo ilyo**

twingalangisha Icishibilo, ukutila Icebo na ifwe tulesa mukuba icintu cimo cine, cilelangisha ukutila Yesu Kristu akumanishe ifya lefwaikwa pa lubembu lwesu ne mfwa (*Abena Roma 8:3-4*), Kabili nalangisha Icishibilo Cakwe muli ifwe. Owe, ifyo cena cingaba icaanguka! Imwe na musekwa. Ifwe bonse twali abasekwa. Takuli inshila nangu imo iyakwipuswishamo fwebene, kabili Lesa atumine ifwe Icishibilo. Ena aipeye Umwana Wakwe pa Kalbale, pa mulandu wa ifwe. Kabili Umweo uyo uwali muli ulyo Mulopa, ilyo wene wasumishiwe pa Kalbale, na ubwekela ukuba Icishibilo pali ifwe.

Lesa aba uwa muyayaya, Icishibilo ca Muyayaya, cena Mweo wa Muyayaya kuli Lesa wa Muyayaya. Kabili icili conse icakwata intendekelo calikwata impela, kabili ifintu fyonse fyalikwete intendekelo kunse kakwa Lesa. Kabili Lesa e musango weka wa Mweo wa Muyayaya uwabako. Kabili ilyo Lesa abika Umupashi Wakwe uwa Mushilo muli imwe, uyo uli ni Lesa, kabili ilyo Lesa aibika Umwine muli imwe, imwe muli fye aba Muyayaya ngefyo Lesa ali. Pa mulandu, imwe muli cilundwa Cakwe, pantu imwe mulaba umwana mwaume no mwana mwanakashi wakwa Lesa kabili imwe mulelangisha Icebo Cakwe. Aleluya! Lesa alalangisha cena, Umwine. Imwe namukwata Umweo wa Muyayaya, kabili cilya ni Lesa muli imwe. Kabili ici Cebo ni Lesa. Kabili cilya Cebo cilekala no kuileta Icine. Filya fine fye ifyo Lesa asonta kuli ino nshita,⁴ imwe mwalikwata cena, ameni, Mupashi wa Mushilo, Mupashi wa Mushilo alelangishiwa. Ee, mukwai. Ni cinshi cena?

Mupashi wa Mushilo, Icebo naciletwa ku mweo kuli imwe ku Mupashi wa Mushilo, ku kushininkisha ino nshita, ukutila na mufuma mumfwa na mwingila mu Mweo (Yohane 5:24).

Kabili nomba muli Bakwe. Owe, pa mulandu Wene ali, ifwe natukwata insambu kuli fyonse ifyo Ena atushitile ifwe. Ubulayo ubuli bonse muli Baibele bwenu. Bwena bwenu, ilyo ici Cishibilo cili pali imwe na Lesa na mukakatika imwe (Abena Efese 1:13-14). Nomba tulefwaya ukuicecenta fwebene pakashita fye. Ilyo Lesa apela kuli imwe ulubatisho lwa cine ku Mupashi wa Mushilo (1 Abena Korinti 12:13), Iyena Umweo wa kwa Yesu Kristu uuli mukati ka ifwe. Nomba, cilya cishinka, kabili uuli onse kasambilila wa fyabulesa alingile ukusumina cilya ukuba. Ee, mukwai. Cena kufyalwa cipya cipya (1 Petro 1:22-23). Imwe mulafyalwa cipya cipya, ku Mupashi wa Mushilo (Yohane 3:3-8). Kabili pa mulandu wakutila Lesa alicitile ici, kabili mwaliishiba tamuli abasuma palwenu, kabili imwe mulesumina ifyo Lesa acita, Iyena Ena ala mukakatika imwe mu Bufumu bwakwe, ku Mupashi wa Mushilo. Kabili ifintu fyonse ifyo Yesu ashitile no kulaya imwe, muli Baibele, fyena fyenu. Cena cipe cenu pantu calilipililwapo. Ameni. Umweo wandi; Ena alipilile Wene. Umweo wenu; Wene alipilile kwena. Ukundapwa kwandi; Ena alipilile kwena. Ukundapwa kwenu; Ena alilipilile kwena. Ubuntungwa bwenu; Ena alipilile bwena. Umulu wandi; Ena alilipilile bwena. Ena alilipila umutengo ifintu fyonse ifyo Ena⁵ashitile fya ku muntu uyo uwakwata Icishibilo. Ameni. “Peleni Icishibilo Candi,” pali motoka ya pa musebo, “pali

bulya bushiku ubwa bupingushi, kabili nka mucilila.” (*Ukufuma 12:1-13*). Amen. Ukwikatilila Cena mukati! **Ukwikatilila ukulumbula kwenu mu Cebo, ukutila Yesu Kristu ali mufwilile imwe (11 Abena Korinti 5:14-15). Kabili ilyo Ena alacita, Ena alailangisha Umwine ukupitila muli imwe.** Amen. Ee. Ilyo mwaishiba Icishibilo, Umweo uo uwasendelwe ku Mulopa ukulanda!

Muli no kusosa, “Umulopa ukulanda? Lolela pali miniti, Munyina Branham!” Umulopa ulalanda. Baibele isosa ukutila ulacita (*Abahebere 12:24-26*). Cisuma.

Umulopa ulalanda. Ibukisheni, **Umulopa wa cipangano tawishibikwa ukwabula Icishibilo.** Nomba Icebo cilatushininkishisha pa bulayo. **Icishibilo caba icilangililo ukutila ukushitwa nakucitilwa ifwe, kabili Lesa nasumina cena.**

Ilyo mwaya no kusosa, “Ndefwaya ukunina ukuya ku Musumba wa New York.” Ni cinshi ico bacita? **Bena balapela imwe itiketi. Cena ni cinshi? Cena cishibilo.** Cena te ndalama. **Cena cishibilo, lelo cisenda indalama ukushita cena.**

Nomba, nga mulefwaya Umweo wa Muyayaya, imwe mulapokelela Icishibilo, ukulangisha ukutila amalipilo nayalipilwa. **Cena te Mulopa, lelo cena Cishibilo ca Mulopa. Cena Mweo Wine.** Amen. **UKunakila konse ku Cebo cakwa Lesa conse, ku Cebo cakwa Lesa conse, cika mupela imwe kuli ici Cishibilo.**

Musangonshi mucitilamo cena? Petro alisosele, pa Bushiku bwa Pentecost, “*Lapileni, cila umo wa muli imwe, no kubatishiwa mwi Shina lyakwa Yesu Kristu ku kulekelelwa kwa membu, e lyo mukapokelela icabupe ca*

Mupashi wa Mushilo, Icishibilo. Pantu ubulayo buli kuli imwe, na kubana benu, na kuli bonse aba kutali, na bonse abo Shikulu Lesa wesu aketa.” *(Imilimo ya Batumwa 2:36-39).*

Ilyo bamwene kulyo kulangisha ukusuma kwa Maka aya kubuka *(Imilimo ya Batumwa 1:8-9)*, ena (Petro) aiminine palya no kulumbula Amalemba yakwa Yoele, kabili na fimbipo *(Imilimo ya Batumwa 2:14-36)*, apele ubulayo kuli ilya nshita, no kulangisha **ifyalefwaikwa ifya ilya nshita fyali kumanishiwe muli Yesu Kristu, kabili ukutila Ena alitumine mumbwekesha Icishibilo ca mfwaka Yakwe.** Kabili cilya Icishibilo cali pali bena. Kabili ena atile, **“Icishibilo cili kuli imwe, na kubana benu, kabili nakuli balya abali ukutali, na bonse abo Shikulu Lesa wesu aketa, bakesa kwata ici Cishibilo.”** Amen. Cena te bena “limbi balingile” ukukwata Cena. **Bena bakakwata Cena!** Mukapokelela Mupashi wa Mushilo.”

Ilyo imwe mwanakila umupwilapo Icebo cakwa Lesa, mukuitula konse kuli Cena, imwe muli abakumako ku Cishibilo. Ee, mukwai. Ukunakila! *(Imilimo ya Batumwa 5:32).* “Te uyo usosa ‘Shikulu, Shikulu,’ lelo **uyo ucita ubufwayo,**” *(Mateo 7:21).* Kabili ilyo tulepepa, tulingile ukukwata Icishibilo ukupela pamo ne pepo lyesu.

Mulemona ico ndepilibula? Imwe mulingile ukukwata Cena! Imwe tamulingile fye ukutontonkanya ifyo; **cena cilingile ukuba Icishibilo icalangishiwa.** Cisuma. Cena cilapela imwe, ilyo mwasumina umutengo uyo uwalipilwa. Ee, mukwai.

Paulo alatweba, ukulanda palwa kusosa kwa mulopa, ico umulopa ulandapo *(Abahebere*

12:24). Imwe mulecetekela umulopa ulalanda? Mu Kutendeka 4:9-10, Lesa aebele Kaini, “Ali kwi munonko?” Atile, **“Umulopa wakwe, ishiwi lya mulopa wakwe lilebilikisha pali iwe.”**

Umulopa ulelanda. Lyena Umulopa naukwata Ishiwi. Kabili Ishiwi lya Mulopa Cebo. Aleluya. Cilya e cilenga cena nga cakutula cili icalungama atemwa icilubo. **Icebo cilalangishiwa kwi Shiwi lya Mulopa. Ishiwi lya Mulopa Mupashi wa Mushilo.** Cilya cileta Umweo. Cena Mweo, kabili **Wene ulaleta Umweo ku Cebo no kuleta Cena ku mweo.** Ameni, ameni, ameni.

Mucine, Umulopa ulalanda, Wene ulanda icintu icawamisha. Icipingo Cakale, Umulopa walandile umulandu. Mu Cipingo Cipyu, Wene ulanda pa kulubulwa. Mu Cipingo Cakale, wene walandile pa mfwa no bulanda. Mu Cipingo Cipyu, Wene ulanda pa Kubuka no Mweo. Wene ulanda pakundapa. Wene ulanda pakusangalala. Wene ulanda pa maka. Wene ulanda pa Mweo. Wene ulanda palwa Mulu. Kabili Umulopa umo wine uyo uwasumishiwe pa mushili, uyo uwakutile panuma ilyo munyina amwiipeye. Umulopa wakwa Yesu Kristu ulafimba imembu shesu shonse, kabili ulalanda umutende kabili no kubuka, kabili na Maka no Mweo, kabili no kundapa. Kabili yonse amapalo aya kulubula ayo Umulopa wasumishiwepo, Wene ulatulandilako ifwe. Mucine, Umulopa ulalanda. Owe, mwe!

Imwe mulingile ukulangisha Icishibilo. Ee, mukwai. Fumyenipo fyonse ifisoso fya mwi sonde, ifintu fyonse fya₈mwisonde (1 Yohane 2:15), Pantu teti mutemwe ifintu fya mwisonde, ukukanatetekela kwenu konse mu

Cebo cakwa Lesa (Yohane 16:8-9). Ibukisheni, Ena alilaya ifi fintu munshiku sha kulekelesha. **Icintu icili conse mu bumi bwenu, ico icisusha Cilya,** cifumyenipo, kabili **beni abaiteyanya no kuletamo Icishibilo. Lyena biken i Icishibilo, mwi pepo, no kushishiwa, kabili beni abashininwa no kuposako amano kuli cena.**

Ifwe tulingile ukwishibikilwa fwe bene ne Lambo Iyesu. Ifwe tulingile ukwishibikilwa mu mfwa Yakwe. Ilyo umu Yuda abikile ukuboko kwakwe pe lambo, ena aleishibisha umwine, ukutwala imembu shakwe kwi lambo lyakwe, kabili ilambo lya lifwile. **Nomba ifwe tulabika indupi shesu, kucitetekelo, pali Yesu Kristu, kabili tulehibikilwa pamo Nankwe mu mfwa Yakwe (Abena Roma 6:5-11).**

Tacali fye mumfwa Yakwe, lelo, nga twapokelelwa, tatwishibikilwa fye mu mfwa Yakwe lelo mu kubuka Kwakwe. **Ku Mweo uwali muli Wene, ulatumwa ukubwekela pa wacetekela, nge cishibilo,** icibukisho ukutila imfwa naipita ukufuma pali cena, kabili Lesa na mukakatika imwe mu Bufumu bwakwa Lesa mpaka ubushiku bwa kulu buka kwenu *(Abena Efese 4:30; 11 Abena Korinti 1:20-22).* [2]

Umulopa te Cishibilo nomba. Umweo e Cishibilo (Yohane 14:6).

Ubumi tekuti bubepo palya, pa mulandu cali ni nama. Icapangilweko cali icishibilo, imwe mulingile ukukwata umulopa₉ utuntulu ukubikwa pa cibi *(Ukufuma 12:21-28).* **Lelo nomba cena Mupashi wa Mushilo.** Ifwe tuleisa kuli cena,

pakashita fye, ukushininkisha cilya, mwamona. **Cena caba Mweo ubuli mu Cishibilo** (*Yohane 14:15-20*).

Ubumi bwenu nabuya, kabili muli abafwa, kabili ubumi bwenu buntu bwafwa (*Abena Kolose 3:1-4*). Imwe mulafiswa muli Lesa, ukupitila muli Kristu, kabili no kukakatikwa mulya ku Mupashi wa Mushilo. Amano ayali muli Kristu yali muli imwe (*Abena Filipi 2:5*). **Kabili Kristu, kabili na Baibele, kabili ne Cebo, fyaba cimo cine.** [1]

Ulya e mulandu wine tamumwena ifintu ukucitika mu ma chalichi. **Bena balalumbula ukutula balicetekela Umulopa, lelo balakana amapange yene ukwisa ku mulopa; Icebo.** Mwamona? Kwaba fye inshila imo Lesa ali no kucindika cilye Cebo.

Inshila imo iyo mwingacitilamo cena caba ku kumbu shakwa Lesa, ukupitila **ukusenamina Kwakwe**, cili ukwisa ukupitila mu Mulopa uwasumishiwa wakwa Yesu Kristu, soseni, “Shikulu, ndepoka ubulayo.” Mwamona? **Kabili lyena nga mucine muli pesamba lya ulyo Mulopa, Lesa ali no mulimo kuli cilye Cebo. Lelo, intanshi, imwe mulingile ukuba pesamba lya ulyo Mulopa. Mulemona cena nombamba?** [3]

Kabili nombamba lekeni aba bantu abo abakwete **Icishibilo, ukutula nabafuma mumfwa no kwingila mu Mweo**, bena nabapilibulwa ukufuma ku bumi ubwakale ubwe sonde ku bupya (*Abena Efese 2:2:13-17*). Bena₁₀ nabacita. **Umulopa naushingwa; kabili, Lesa, bapeleni Icishibilo ca cilangililo.** Lekeni basende cilye Cishibilo mu

minwe shabo, abo abalwala, basose, **“Ndi icipe icashitwa ca kwa Lesa. Ine naba muli Kristu, kabili muli Wene tamuli ubulwele. Ine naba muli Kristu, kabili muli Wene tamuli ulubembu. Ine naba muli Kristu, kabili muli Wene tamuli ukukana cetekela (Imilimo ya Batumwa 17:28-31). Nakana fyonse ifyo ciwa anjeba. Ndesenda Icishibilo candi ukutla: ‘Afwantilwe pa fya bupulumushi fyandi; Alashilwe pa mampulu yandi; kabili akalimunwa ka kumwenako ubutuntulu kaponene pali Wene; kabili na mufipumo Fyakwe nalyundepwe.” (Esaya 53:4-5). Kabili ine nomba ninjikata Icishibilo, ukutla Lesa nanjishiba ine, ukushitwa no Mulopa wakwa Shikulu Yesu. Kabili ine naliikatilila Icishibilo ca mfwa Yakwe mukuboko kwandi, pa mulandu Ena alibuka nakabili, kabili ine ndi Wakwe kabili Wene wandi. Ndaya necitetekelo icapangilwa, ukutla ukufuma ino nshita ya bushiku no kutwalilila, nacetekela Lesa, kabili ndi no kundapwa ilyo nafika kulya no kukumanya ifilefwaikwa.”**

Pa mulandu, Ifyebo fyakulekelesha ifyo ifyafumine mu milomo Yakwe, fyali ni fi, “Nga babika indupi shabo pa balwele, bakaba abatuntulu.” (Marko 16:17-18). Peleni cena, Shikulu, lekeni ukupelelwa kubemo, pantu nalombela cena mwi Shina lyakwa Yesu. Amen.

Kuti nacita, ndi no kucita, ndecetekela;

Kuti nacita, ndi nokucita, ndecetekela;

Kuti nacita, ndi nokucita, ndecetekela;

Ukuti Yesu alemposha nomba.

Mwe Mulecetekela¹¹ cilya? “Ndi uwapamfiwa! Ndi uwapamfiwa, ku kusenamina kwa kwa Lesa, ukutla nshakaleke mpaka Icintu cimo cikashe

muli ine. Kabili ndeya kulya lubali ukuleka indupi ukubikwa pali ine.”

Nomba, **Lesa tatala atufilwa ifwe**. Kabili ndecetekela ukutila shing’anga mukalamba nombali mupepi. Ndecetekela ukutila Lesa uyo uwalembela Icebo, ndecetekela Lesa uyo uwapele ilambo, ndecetekela Icishibilo cakwa Lesa ico icitusangulula ku lubembu ilelo, **Icishibilo, Umweo Wakwe Wine**, ali pano pamo naifwe. “Nkalaba na imwe, mpaka na kumpela ye sonde. Pakashita akanono isonde talya kamone nakabili, lelo Mukamona, pantu nkaba na imwe, **kabili muli imwe**, mpaka ku mpela ye sonde.” (Yohane 14:15-20). Mulecetekela cilya? Ndecetekela muli Wene. Ndecetekela ukutila Ena ali no kucicita. Bushe imwe tamulecita?

Nga Satana aasha ukumupela fimo ifi fintu, nga amalwele, namwishiba ifyo muli no kucita? Mulangisheni fye Icishibilo. (Ndi cipe icashitwa. Ukundapwa kwandi kwalilipililwa. Ndi cipe cakwa Lesa, **pa mulandu ninkwata Icishibilo ca Mupashi wa Mushilo. Iwe teti untalushe ukufuma muli iyi nshila. Iwe teti untalushe ku bumi bwandi ubutuntulu. Napela Icishibilo.** ‘Mu fipumo Fyakwe naliposhiwe.’ Uku kubuka kwa kwa Yesu Kristu, **mukati fye muli ine nomba**, ukushininkisha cena kuli imwe.” Owe, cilya palya icintu icituntulu! Cilya palya icishibilo.

Ulya e mulandu wine abantu tabacetekela cena. Ulya e mulandu wine cintu cakosa kuli bena ukumona cena. **Icishibilo tacilati cibikwe.** Mwamona, ulya e¹² mulandu wine, soseni, “Owe, inshiku sha fipesha amano shalipita.” Imwe mulecita cilya ku bapofula. [5]

Ifwe tatulingile ukwisa capamo ukulanda pa Mbila. Ifwe twaisa capamo ku kwingila mu Mbila. Kabili Imbila ni Kristu, Ena Cebo. Cilya cishinka. Ifwe tulingile ukwingila muli Cena, ukwingila pesamba Iya Cena. Ee, mukwai. Cilya e co tulingile ukucita.

Ena tali no mulimo pa muntu uuli onse uwali kunse pesamba Iya mulopa, takuli nangu umo; te mulandu ifyo Ena ali, Ena tali no mulimo. Bonse bali no kusenda te ena eka, lelo ulupwa Iyakwe lonse. Bena balifye abacingililwa ilyo icishibilo calangishiwe.

Ifwe teti tumfwe ukuba abacingililwa mpaka ici Cishibilo calangishiwa. Cilya cishinka. Mulingile ukwisa pesamba Iya cilye Cishibilo, Umupashi wakwa Lesa uwa Mushilo. Kabili Wene ulalangisha kuli imwe Yesu Kristu, pa mulandu wena ulesa no kwikala muli imwe. [2]

Nde mupepelako imwe nombamba, na ine wine. Nde imya amaboko yandi, ne bumba, ne nyimbo. **Nga nalibembuka, nga nalicita icintu icili conse icalubana,** ukuboko kwandi kuli Imwe, Shikulu, cilepilibula munjeleleko. Ukuboko kwandi kuli Imwe, Shikulu, cilepilibula ukutala nshafwaile ukucita cena. **Kabili ninjishiba ndefwa, Shikulu. Ningile ukusha ili sonde, mu musango wa mubili.** Ndefwaya uku kumanya Imwe. Ukuboko kwandi cilepilibula, sendeni cena, Shikulu. **Njisusheni no Mupashi. Mpeniko Icishibilo ca kutemwa kwenu pali ine, Mupashi wa Mushilo (Abena Roma 5:3-5), uyo uli no kunenga¹³ ine ukwikala umusuma, uwanakilala, ukunenga¹³ ine ukwikala Ubumi ubo ubwali muli Kristu; ukutala umutima wandi uuli**

no kubilimina bambi, ukutila nshakatushe nangu panono, akasuba no bushiku, mpaka kuti nasenda abali bonse abo ningacita. Ndi no kuba nge nkombe ku Yeriko; ndi no kuya ku muntu uuli onse uo ningayako, kabili no kumona nga kuti nabaleta ukwisa pesamba lya Mulopa wa cipangano, pesamba lya Mulopa wa Mwana wa mpaanga, pakutila bengapokelela Icishibilo. [1]

Umwakumona:

[1] “Icishibilo” (63-0901M), par. 206-208, 191-193, 195-197, 449-450.

[2] “Icishibilo” (63-1128E), par. 149-160, 165-171, 54- 55, 119-121.

[3] “Ukupela Umulandu” (63-0707M), par. 101-102

[4] “Ukupelelwa” (63-0901E), par. 157-158

[5] “Icishibilo” (64-0208), par. 140-141

ILIBWE LYA BUMUPASHI No. 85 (Ilipya 2020) ukufuma mu Cebo Casokololwa ca ino ora, lyatantikwa naba Gerd Rodewald, Friedenstr. 69, D-75328 schomberg, Germany, [www. Biblebelievers.de](http://www.Biblebelievers.de)

Nga mulefwaya ututabo natumbi kuti mwatumina lamya kuli ba Emmanuel Believers Fellowship 0966402048/ 0974367607 Isoka